

სპორტის განვითარების ხელშეწყობის
ღონისძიებები

ფარიკაობის სახელმწიფო მხარდაჭერის
პროგრამა

საქართველოს სპორტისა და ახალგაზრდობის
საქმეთა სამინისტრო

თბილისი

2016წ.

1. პროგრამის აღწერა და მიზანი

- საქართველოში ფარიკაობის განვითარების პროგრამა წარმოადგენს იმ აუცილებელი მიმართულებების რეალიზაციის გეგმას, რომელიც უზრუნველყოფს ფარიკაობის სახეობის და მის არსებულ ინფრასტრუქტურის ძირეულ გაუმჯობესებას.
- სასწავლო-საწვრთნელ პროცესში დასაქმებულ მწვრთნელ მასწავლებელთა საქმიანობაში თანამედროვე გამოცდილების დანერგვა.
- ყველა ასაკობრივ ჯგუფში მომეცადინე გოგონათა და ვაჟთა სასწავლო საწვრთნელი პროცესისა და საშეჯიბრო პრაქტიკის სრულყოფა.
- ყველა ასაკობრივი ნაკრები გუნდებისათვის ინდივიდუალური პროგრამით მომზადებული სასწავლო-საწვრთნელი შეკრებების მაღალ დონეზე ჩატარება.
- თანამედროვე სტანდარტების შესაბამისი სამედიცინო მომსახურებისა და რეაბილიტაციის სისტემის შემუშავება და ეროვნული, ასაკობრივი ნაკრები გუნდების სრული სამედიცინო უზრუნველყოფა.
- არსებულ ბაზის გამოყენება სხვადასხვა რანგის საერთაშორისო შეჯიბრებებისა და სასწავლო საწვრთნელი წვთებისათვის და შეკრებებისათვის.
- სხვადასხვა ასაკობრივ საერთაშორისო ტურნირებზე, სალიცენზიო ასპარეზობებზე მაღალი შედეგების მიღწევა.

პროგრამის ძირითადი არსია :

- ფარიკაობის განვითარებისათვის ქმედითი ნაბიჯების გადადგმა, ფარიკაობის ინფრასტრუქტურის განვითარება და მისი რეაბილიტაცია;
- ეროვნული ნაკრები გუნდისა და სხვადასხვა ასაკობრივი ნაკრები გუნდებისათვის, ყველა საჭირო პირობის შექმნა, აუცილებელი განვითარება და მათი ერთიან სისტემაში მოქცევა;
- საქართველოს ნაკრები გუნდების მწვრთნელებისა და სხვა მომსახურე პერსონალის სახელფასო ბაზის სრულყოფა.
- ფარიკაობის შემდგომი წინსვლისათვის ხელშეწყობა და ყოველმხრივი დახმარება.
- საქართველოს ჩემპიონატისა და საქართველოს საკლუბო ჩემპიონატის ჩატარება. ამ მიზნით ეროვნული ჩემპიონატის მომსახურე მსაჯების სახელფასო ბაზის სრულყოფა.
- საქართველოს მოფარიკავეთა სხვადასხვა ასაკობრივი ნაკრები გუნდის წევრთა სპორტული ეკიპირება.
- სხვადასხვა სახის საერთაშორისო სემინარებში, კონგრესებში, გადასამზადებელ კურსებში მონაწილეობა.
- ფარიკაობის, როგორც წარმატებული სპორტის სახეობის პროდუქტის შექმნა, რომელიც მიმზიდველი იქნება ბიზნესისათვის, ინვესტიციების (სპონსორობის) განსახორციელებლად.
- მსაჯთა გამოცდებზე და სხვადასხვა საერთაშორისო ტურნირებზე მსაჯთა მივლინება.
- მწვრთნელ-მასწავლებელთა ატესტაცია და თანამედროვე მიმდინარეობის შესაბამისი კვალიფიკაციის ასამაღლებელი სემინარების მოწყობა.

- მსაჯთა ატესტაცია და შიდა სემინარების ორგანიზება.
- არსებული მატერიალურ-ტექნიკური შესაძლებლობის გათვალისწინებით სპორტულ სკოლებში და კლუბებში მეცადინეთათვის ფარიკაობის სწავლების სათანადო ლიტერატურით, ვიდეო მასალით, საჭირო ინვენტარის შერჩევა-მიწოდებით დახმარება.

პროგრამის ამოცანები:

1. საქართველოში ფარიკაობის პოპულარობის ამაღლება.
2. საზოგადოების მაღალი ინფორმირებულობა ფარიკაობაში მიმდინარე პროცესებზე, ფარიკაობის პოპულარიზაციაზე მიმართული სხვადასხვა პროგრამების განხორციელება, ფარიკაობის, როგორც წარმატებული პროდუქტის შექმნა, რომელიც მიმზიდველი იქნება ბიზნესისათვის ინვესტიციების განსახორციელებლად.
3. საქართველოს ფარიკაობის ეროვნული, ახალგაზრდული, ჭაბუკთა, უმცროსი ასაკის ჭაბუკთა და ქალთა ნაკრები გუნდების ღონისძიებების ფინანსური უზრუნველყოფა;
4. საქართველოს ფარიკაობის ეროვნული, ახალგაზრდული, ჭაბუკთა, უმცროსი ასაკის ჭაბუკთა და ქალთა ნაკრები გუნდების მწვრთნელებისა და მომსახურე პერსონალის მომსახურების ანაზღაურება;
5. სხვადასხვა სახის საერთაშორისო სემინარებში, კონგრესებში, გადასამზადებელ კურსებში მონაწილეობა.
6. ფარიკაობის ინფრასტრუქტურის რეაბილიტაციის, სპორტული ინვენტარისა და აღჭურვილობის შეძენის, განბაჟებისა და მიღებასთან დაკავშირებული ხარჯები.
7. წლის განმავლობაში პროგრამის რეალიზაციასთან დაკავშირებული სხვა საჭირო ხარჯების გაწევა.

2. პროგრამის შესრულების ვადები

დასაწყისი – 01.01.2017

დასასრული - 31.12.2017

3. საერთო ღირებულება

საქართველოს სახელმწიფო ბიუჯეტიდან პროგრამის ასიგნება შეადგენს **400 000** ლარს, რომელიც ძირითადად მოიცავს შემდეგ ხარჯებს:

- საქართველოს ფარიკაობის ეროვნული, ყველა ასაკობრივი ნაკრებების მწვრთნელთა, ადმინისტრაციული, ექიმების, მასაჟისტების, მენეჯერებისა და სხვა პერსონალის ანაზღაურება.
- საქართველოს ფარიკაობის ფედერაციის ეგიდით დაგეგმილი ღონისძიებების, საქართველოს პირველობების (კადეტები და იუნიორები), ჩემპიონატის და თასის გათამაშების ჩატარების ხარჯების, მომსახურე პერსონალისა და მსაჯების ანაზღაურება.
- საქართველოს მოფარიკავეთა ეროვნული და ასაკობრივი, ნაკრები გუნდების სასწავლო - საწვრთნელი შეკრებებისა და სხვადასხვა საერთაშორისო ტურნირებში) მსოფლიოსა და ევროპის თასების ეტაპების, მსოფლიოს და ევროპის (ასაკობრივი) ჩემპიონატებში მონაწილეობისათვის საჭირო ხარჯების გაწევა.

- ფარიკაობის პოპულარიზაციისკენ მიმართულ სხვადასხვა შეჯიბრებებში ქართული კლუბების მონაწილეობა.
- ფარიკაობის ინფრასტრუქტურის რეაბილიტაციის, სპორტული ინვენტარისა და აღჭურვილობის შეძენის, განბაჟებისა და მიღებასთან დაკავშირებული ხარჯების გაწევა.
- წლის განმავლობაში პროგრამის რეალიზაციასთან დაკავშირებული სხვადასხვა საჭირო ხარჯების გაწევა.
- ყველა ასაკობრივი ნაკრები გუნდის საერთაშორისო ოფიციალური ტურნირებისთვის მსოფლიოს თასის (გრან-პრი, მსოფლიოს თასი პირადი და გუნდური, სატელიტი და ევროპის თასი, გუნდური) მზადება და მონაწილეობა.
- საქართველოში. რეგიონების მიერ დაგეგმილი სხვადასხვა ოფიციალური საერთაშორისო ტურნირების გამართვასთან ორგანიზაციული და ტექნიკური საკითხის მოგვარება;
- საქართველოს პირველობების (კადეტები და იუნიორები), ჩემპიონატის და თასის გათამაშებებთან დაკავშირებული ორგანიზაციული და ტექნიკური საკითხის მოგვარება;
- საპრიზო ფონდის უზრუნველყოფა შიდა ჩემპიონატებში მაღალი სპორტული მიღწევებისათვის;

4. პროგრამის რეალიზაციაზე პასუხისმგებელი სამთავრობო დაწესებულება

საქართველოს სპორტისა და ახალგაზრდობის საქმეთა სამინისტრო.

5. პროგრამის მოსალოდნელი შედეგები და შედეგების შესრულების ინდიკატორები

შედეგები:

მაღალ დონეზე ჩატარებული ეროვნული პირველობები;

ეროვნული და ახალგაზრდული ნაკრებების მიერ საერთაშორისო ტურნირებზე გაუმჯობესებული პოზიციები;

ინდიკატორები:

- კალენდარული (წლიური) გეგმის შესრულების მაჩვენებელი;
- საერთაშორისო ასპარეზობებზე მოპოვებული შედეგები;
- პროგრამის ფარგლებში სპორტსმენების ჩართულობის მაჩვენებელი;